

noster, cum fratre suo Bertholdo de Gruninbach¹⁾ coram Campidunensi abbate Lantfrido et advocato duce Welfone partem se contingentem.

Anno domini 1189 Bertholdus illustris de Druchburg cum matre sua Hiltruda tradiderunt nobis et sanctis nostris curtem in Isinboltis²⁾, dimidiam scilicet partem eiusdem villae, coram multis tam liberis quam servis, coram sacerdotibus, clericis, conversis et laicis in die scilicet Pentecostes [*Mai* 28.], sepulto eodem die optimae indolis Henrico adolescentulo fratre eius.

Eodem anno liber et nobilis homo de Sadirlinwilare³⁾ dedit nobis praedium suum cum uxore sua, recipiunt autem a nobis mansionem et quartam partem mansi, insuper 5 maltra frumenti in villa nostra Thaldorf⁴⁾, et ipse de vestimento singulis annis tunicam et in secundo anno pelles et tunicam, si vero unus eorum obierit

2. Jahrtagsaufzeichnung.

Anno incarnationis domini 1187 ea, quae scripta sunt, hoc sunt ordine: Venerabilis presbyter Adilbertus ecclesiarum nostrarum Rordorf⁴⁾, Friesinhofen et Engilhalmishofen⁵⁾, qui scilicet fuit frater illustrium virorum Bertholdi et Henrici de Druchburg, divinitus, ut confidimus, de morte ante mortem suam sic est praemonitus; sanus enim et incolumis audivit vocem sibi dicentem: 'Scias te hoc anno esse moriturum'. Qui non negligens praemonita oracula satagebat circa plurima sibi ad viaticum necessaria inter quae etiam collegit 20 talenta. Et haec sunt, ut ipse voluit, in coemptione praedii in Dürrenbach⁴⁾ distracta. Alia rursus 20 de rebus suis dare in eodem praedio disponens praeventus est morte, decem tamen de promissis persolvens. Dederat autem antea quoddam praediolum in Engilheris⁶⁾ cum praedictis fratribus suis Bertholdo et Henrico atque cum eisdem sepultus est apud nos IX. Calendas Septembris [*Aug.* 24.]. Nos autem, ut ipse postulaverat, anniversarium diem eius celebrare solemniter instituentes, idem praediolum in Engilheris ad dandam praebendam fratribus in eadem die constituimus. Si quid vero minus in hoc habuerit cellerarius, de rebus nostris suppleat.

Notum sit omnibus hoc scire volentibus, quod Irmingardis vidua et Philippus⁷⁾, filius ipsius, atque Henricus dictus Harnaiz quoddam pomerium et adiacens (*sic*) hortum cum agro, quod vulgariter buindt dicitur, sanctis Jacobo et Georgio in Ysnin

1) Grönenbach, bair. BA. Memmingen. 2) Eisenholz bei Weitnau, bair. BA. Kempten. 3) Sederlitz, Thaldorf, wirt. OA. Regensburg.

4) Rohrdorf, Dürrenbach, wirt. OA. Wangen. 5) Friesenhofen, Engerzhofen, wirt. OA. Leutkirch. 6) Engelhirsch, bair. BA. Kempten.

7) In Oberschwaben sind solche Fremdnamen noch im 13. Jhdt. grosse Seltenheiten.